



Broj: 12/08-27-10158-7/17
Zenica, 21.08.2017.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-27-10158-5/17 od 18.08.2017. godine, u otvorenom postupku javne nabavke za radove broj: 1417-1-2-9-3-8/17 od 17.07.2017.godine (obavještenje o nabavci broj: S1-10723-17 „Službeni glasnik BiH“, broj: 52/17 od 21.07.2017. godine“), direktor Kantonalne direkcije za ceste Zeničko-dobojskog kantona, donosi:

ODLUKU
o izboru najpovoljnijeg ponuđača

I

U otvorenom postupku javne nabavke za usluge, broj: 1417-1-2-9-3-8/17 od 17.07.2017.godine, za **LOT 2** – Izrada glavnog projekta rekonstrukcije regionalne ceste R- 413a Čajdraš-Ovnak-Travnik (granica kantona), dionica Čajdraš (priključak na R-441)-Ovnak (granica kantona) dužine 11,5km, ponuda ponuđača „DESIGN & QC“ d.o.o Sarajevo (broj: 264/17 od 20.07.2017. godine) izabrana je kao najpovoljnija.

II

„DESIGN & QC“ d.o.o Sarajevo (ID broj: 4201327100009), adresa Džemala Bijedića 25-D, Sarajevo, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Ponuda ponuđača „CONSTRUCTOR“ d.o.o. Zavidovići se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „SARAJ INŽENJERING“ d.o.o. Sarajevo se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Obrazloženje

Postupak nabavke pokrenut je Odlukom broj: 12/08-27-10158/17 od 13.07.2017. godine. Javna nabavka provedena je po otvorenom postupku javne nabavke za usluge u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-2-9-3-8/17 objavljeno je na Portalu javnih nabavki 17.07.2017. godine.

Komisija za javne nabavke imenovana rješenjem broj: 12/08-27-10158-3/17 od 09.08.2017. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za LOT 2 pristigla je ukupno 6 (šest) ponuda.

U postupku pregleda i ocjene pristiglih ponuda, Komisija je konstatovala da:

Ponuda ponuđača „CONSTRUCTOR“ d.o.o. Zavidovići dostavljena za LOT 2 odbacuje se iz razloga jer ponuda nije dostavljena u skladu sa tačkom 12.4. tenderske dokumentacije kojom je traženo je da se dostavi rješenje o upisu u sudski registar sa svim izmjenama ili Aktuelni izvod iz sudskog registra, u originalu ili ovjerenoj kopiji. Dostavljeni dokumenti ne mogu biti stariji od 90 dana računajući od momenta predaje ponude.

Ponuđač „CONSTRUCT PROJEKT“ d.o.o Zavidovići je izvršio predaju ponude 09.08.2017.godine, a dostavljeni dokaz je od 01.02.2013.godine (Rješenje o registraciji broj: 043-0-Reg-13-000096 izdato od Općinskog suda u Zenici), iz čega je vidljivo da traženi dokument nije dostavljen na način propisan naprijed navedenom tačkom tenderske dokumentacije.

Prema tački 12.6 traženo je da ponuđač ima iskustvo u realizaciji 1 (jednog) ugovora minimalne vrijednosti 20.000,00 KM čiji su karakter, kompleksnost i vrijednost isti ili slični onima koji se odnose na predloženi ugovor (izrada projekta za građenje ili rekonstrukciju javnih cesta) u posljednje tri godine (2014., 2015. 2016. godina).

Dostavljeni dokazi ponuđača „CONSTRUCT PROJEKT“ d.o.o Zavidovići za tačku 12.6 tenderske dokumentacije ne ispunjavaju minimalne uslove propisane tenderskom dokumentacijom (iskustvo ponuđača u realizaciji 1(jednog) ugovora minimalne vrijednosti 20.000,00 KM. Dostavljene su potvrde za 5 (pet) realizovanih ugovora čiji je zbirni iznos preko 20.000,00 KM (Potvrda broj: 12-27-9442-P1/17 od 15.02.2017 izdata od strane Kantonalne direkcije za ceste ZDK, potvrda broj: 03-05-12-126/17 od 27.02.2017. godine izdata od strane Općine Zavidovići, potvrda broj: 19-02/16 od 24.03.2016.godine izdata od Bećirović d.o.o Žepče).

Ponuda ponuđača „SARAJ INŽENJERING“ d.o.o Sarajevo dostavljena za LOT 2 odbacuje se iz razloga jer ponuda nije dostavljena u skladu sa tačkom 41.1. tenderske dokumentacije.

Prema tački 41.1 tenderske dokumentacije ponuđač treba dostaviti izjavu da će u slučaju prihvatanja ponude, dostaviti Ovlaštenje za obavljanje poslova projektovanja (projektovanje građevina i zahvata iz područja niskogradnje i to za građevinski projekat ceste) ili Ovlaštenje za obavljanje poslova nostrifikacije investiciono tehničke dokumentacije (oblast niskogradnja i to za građevinske projekte ceste) izdato od strane Federalnog ministarstva prostornog uređenja.

Uvidom u ponudu ponuđača „SARAJ INŽENJERING“ d.o.o Sarajevo konstatovano je da navedena izjava nije dostavljena kako je traženo tačkom 41.1 tenderske dokumentacije.

Zbog navedenog ponuda ponuđača „SARAJ INŽENJERING“ d.o.o Sarajevo nije u skladu sa članom 68. Zakona o javnim nabavkama BiH („Službeni glasnik BiH“ broj: 39/14) i odbacuje se jer nije potpuna i ne ispunjava zahtjeve iz tenderske dokumentacije.

U skladu sa tačkom 23. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a	Dati popust	Ukupna cijena ponude sa popustom bez PDV-a
1.	„DESIGN & QC“ d.o.o Sarajevo	29.000,00	-	29.000,00
2.	„ROUTING“ d.o.o Banja Luka	33.400,00	-	33.400,00
3.	„INK CONSTRUCTOR“ d.o.o Banja Luka	55.865,00	-	55.865,00
4.	„PRONASA“ d.o.o Sarajevo	66.500,00	-	66.500,00

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „DESIGN & QC“ d.o.o Sarajevo.

Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Ugovor za LOT 2 – Izrada glavnog projekta rekonstrukcije regionalne ceste R- 413a Čajdraš-Ovnak-Travnik (granica kantona), dionica Čajdraš (priključak na R-441)-Ovnak (granica kantona) dužine 11,5km

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Najpovoljniji ponuđač,

1 x a/a



DIREKTOR

Refik Zeković